

# سانوں سُفنے مار گئے

عبداللہ شاہ



اساں نس کے کھتے جاناں ایں اساں چاڑیں پانوں گھر گئے آں  
اساں اسماناں تے اڈنا سی اساں نظراں دچوں مگر گئے آں  
ساڈے ہتھوں سب دا خون ہو یا سانوں آدم زاد نہ آکھو بُہن  
اساں رب دے منکر ہو گئے آں اساں اپنے آپ نوں بھل گئے آں  
ساڈے اندر آرے چلے دیے میں اساں اندر دل اندری چر گئے آں

# فہرست

- ۱ — سعد اللہ شاہ دی شاعری اسلم کولسری ، ۱۳
- ۲ — کچھ اپنے بارے دج ، ۲۳
- ۳ — کاش اسال اکائی تے آجائیے ، ۲۷
- ۴ — اطہر ندیم ہوراں دی نعت سن کے ، ۲۹
- ۵ — اپنی گل تے اڑنا پیئے گا ، ۲۱
- ۶ — محبت (نظم) ، ۳۳
- ۷ — ایہہ کم وی تے ہو جاناں ایں (نظم) ، ۳۴
- ۸ — میرے لئی تے گل ہونڈی اے ، ۳۵
- ۹ — تیتھوں ہٹ کے سوچ رہیاواں ، ۳۷
- ۱۰ — انکار دی تلخی (نظم) ، ۳۹

اساں تے دن گنوا کے اپنے ایہہ راتاں سن لیاں  
اکھاں دے دج تارے چمکے نیسنداں اڈھڈ گئیاں  
پیاری دی ایس اذیت اندر کجھ دی ہتھ نسیں آیا  
دل وی باز نہ آیا اپنا، آساں، آساں رہیاں  
اکھ دے کھوتے جمع لگیں، پانی بھر دیاں تیاں

۱۔ آساں آساں رہیاں (نظم) ، ۴۰

۲۔ کیسہ اسان وٹوٹ چلیے ، ۴۱

۳۔ اسان جھک کے کوں سلام کریے ، ۴۳

۴۔ ایٹم بم دا خوف (نظم) ، ۴۵

۵۔ رازوی کوئی نیٹیں ایتھے (نظم) ، ۴۶

۶۔ دل جے دسون باہر ہو دے تے کیسہ کریے ، ۴۷

۷۔ اسان اڈ دے رہے اسان وسدے رہے ، ۴۹

۸۔ اوہناں ای ساڈی دوری پاٹی (نظم) ، ۵۱

۹۔ انجہام (نظم) ، ۵۲

۱۰۔ کدی پیار دی شکل ابھارتے سی ، ۵۳

۱۱۔ کوئی ساڈے کول کمال دی نیٹیں ، ۵۵

۱۲۔ عشق دا انجہام (نظم) ، ۵۷

۱۳۔ فطرت دے رنگ (نظم) ، ۵۸

۱۴۔ من دھن تے اسان وار گئے ، ۵۹

۱۵۔ اوہنوں پانا یا نہ پانا کجھ وی نیٹیں ، ۶۱

۱۶۔ توں اپنا حال سنا (نظم) ، ۶۳

۱۷۔ پاگل راتاں چھانن (نظم) ، ۶۵

۲۸۔ تاریاں توں لہنداں ، ۶۷

۲۹۔ بھادیں لوکاں دے وچ وس ، ۶۹

۳۰۔ دُعا (نظم) ، ۷۱

۳۱۔ انج ای سی (نظم) ، ۷۳

۳۲۔ جد کوئی سکا پتہ جھڑیا ، ۷۵

۳۳۔ اسان ٹڈے رہے اسان جڑ دے رہے ، ۷۷

۳۴۔ توں کیسہ جانیں (نظم) ، ۷۹

۳۵۔ سوچاں (نظم) ، ۸۱

۳۶۔ تیرے نال کھلونیٹیں سکدا ، ۸۳

۳۷۔ تیرا میرا جوڑ دی کیسہ سی ، ۸۵

۳۸۔ ذات دا عرفان (نظم) ، ۸۷

۳۹۔ مشکل (نظم) ، ۸۸

۴۰۔ دس فائز بن کیسہ لہجے (نظم) ، ۸۹

۴۱۔ آخری صورت (نظم) ، ۹۰

۴۲۔ تن شعہ ، ۹۱

۴۳۔ اک شعہ ، ۹۲

۶۰۔ اسان راہواں وچوں لنگھے نیں ، ۱۱۵

۶۱۔ آخر کار ، ۱۱۸

۶۲۔ منزل توں دوری دا احساس ، ۱۱۸

۶۳۔ انج دی ہوسکدا اے ، ۱۱۹

۶۴۔ ہن کوئی گل تے ہووے ، ۱۲۰

۶۵۔ ساڈا نظام ، ۱۲۱

۶۶۔ ساڈا دکھ ، ۱۲۲

۶۷۔ ادکھے عشق دے پیئڈے ، ۱۲۳

۶۸۔ اوہنوں دوش کیہہ دینا ، ۱۲۴

۶۹۔ نیں ملنا تے نہ ملیا کر اسان وی ایویں ملدے نیں ، ۱۲۵

۷۰۔ مرضی اپنوں اپنی ، ۱۲۷

۷۱۔ سعد کھڑی ، ۱۲۹

۷۲۔ اسان سوچیا کیہہ تے ہو یا کیہہ ، ۱۳۱

۷۳۔ بے مقصد کوشش ، ۱۳۲

۷۴۔ بہار ، ۱۳۳

۷۵۔ میں تے تیرے لئی آں ، ۱۳۵

۷۶۔ فنا ، ۱۳۶

۴۳۔ اپنا نشہ لہین توں بعد (نظم) ، ۹۳

۴۴۔ ایہہ وی ضروری کم اے (نظم) ، ۹۵

۴۵۔ تن شعہ ، ۹۷

۴۶۔ تن شعہ ، ۹۸

۴۷۔ مکالمے توں بعد (نظم) ، ۹۹

۴۸۔ تن شعہ ، ۱۰۰

۴۹۔ کون کرے ساڈی دلجوئی (نظم) ، ۱۰۱

۵۰۔ تیری گل وی جھوٹ تے نیں (نظم) ، ۱۰۲

۵۱۔ آخری ملاقات (نظم) ، ۱۰۳

۵۲۔ میرے سامنے میرا خواب آیا (نظم) ، ۱۰۵

۵۳۔ پیراں دا جد ساتھ نہ دیوں پھٹ پھٹ روون چھالے دی ، ۱۰۷

۵۴۔ تن شعہ ، ۱۰۹

۵۵۔ اک شعہ ، ۱۱۰

۵۶۔ اپنی موج (نظم) ، ۱۱۱

۵۷۔ اک شعہ ، ۱۱۲

۵۸۔ تیرا سانوں دھیان تے رہے گا ، ۱۱۳

۵۹

## سعد اللہ شاہ دی شاعری

پستی گل ایہو ای اے کہ اسیں ویلے دی جس لہرے وچ  
 سفر کر رہے آں اوہ شعروادب دے حوالے نال ایناں شاندار نیں  
 لوکاں وچ مطالعے دا شوق نیں رہیا۔ نہ ای اوہناں کول ایناں  
 وقت اے کہ گھنٹے دو گھنٹے لئی کتاب کھول کے بہہ سکے۔ فیر دی  
 کچھ لکھاری ایسے موجود نیں۔ جنہاں دیاں کتاباں چھپدیاں ای ہتھو تھ  
 وک جانڈیاں نیں تے دوجے مہینے ای کتاب دا اگلا ایڈیشن آجاندا  
 اے۔ ایناں لکھاریاں دی تعداد بہت تھوڑی اے۔ انگلاں تے  
 گئے جاسکدے نیں۔ پراہم ساڈے شعروادب دے محسن نیں کہ  
 ایناں مطالعے دی میز دا لیمپ اکا ای نیں بجھن دتا۔

- ۴۷۔ بے ۱۳۷ ،  
 ۴۸۔ آخر کیوں ، ۱۳۸  
 ۴۹۔ محبت تے خواب ، ۱۳۹  
 ۸۰۔ اساں کریے کیکہ اس رون دا ، ۱۴۱  
 ۸۱۔ دوشعبہ ، ۱۴۳  
 ۸۲۔ دوشعبہ ، ۱۴۴  
 ۸۳۔ آگ تے پانی ، ۱۴۵  
 ۸۴۔ ملاقات ، ۱۴۶  
 ۸۵۔ عشق دی آگ وچ پھک کے دیکھ ، ۱۴۷  
 ۸۶۔ آخر تے ایہ ہونا ایں ، ۱۴۹  
 ۸۷۔ مشورہ ، ۱۵۰  
 ۸۸۔ ساڈی وی سنو ، ۱۵۱  
 ۸۹۔ اوہرے بارے وچ اک عجیب سوچ ، ۱۵۲  
 ۹۰۔ پینا تے فر پینا اے ، ۱۵۳  
 ۹۱۔ پیغام ، ۱۵۴  
 ۹۲۔ میرا حال نہ پچھو لو کو میرا حال نہ کوئی ، ۱۵۵  
 ۹۳۔ تن شعبہ ، ۱۵۷

سعد اللہ شاہ دی اینہاں لکھاریاں وچوں اک نہیں — نمایاں تے  
سامنے بیٹھے ہوئے

سعد اللہ شاہ نے انگریزی وچ دی شاعری کیتی اے -

اُردو وچ دی تے پنجابی وچ دی - ہن تک اوہناں دے 20 شعری  
مجموعے شائع ہو چکے نیں - جنہاں وچوں 1 - انگریزی دا 14 اُردو  
دے تے 6 پنجابی دے نیں - ہن تک پنجابی شعری مجموعیاں  
دے ناں ایس طراں نیں - شہر خداواں دا ، وکھری چپ ،  
ڈھلے منظر ، موسم تیرے آدن نال ، مکھڑا ، تے تازہ  
مجموعہ سانوں سفنے مار گئے - ایس تازہ مجموعے دے نال نال اوہناں  
دی پنجابی شاعری دی کلیات دی زیر طبع اے - جیہدے  
وچ اوہناں دا ہن تک دا پنجابی کلام یکجا کر دتا گیا اے -

سوچن دی گل اے کہ ایہہ کلیات چھاپن دی نوبت کیوں  
آگئی ! - ظاہر اے کہ ڈیمانڈ اے - نیں تے گھاٹے واسدا کوں  
کر دا اے — دوجی گل ایہہ وے کہ ڈیمانڈ کیوں اے —

جے تسیں سعد اللہ شاہ دی شاعری پڑھی مٹی اے تے ایہدا جواب  
مشکل نیں -

سعد اللہ شاہ جی نال میری پہلی ملاقات کوئی بارہ ورہ پہلے  
ہوئی سی - پُر ادناں نال اک قلبی تعلق ذرا کو پہلے ای قائم ہو گیا سی ،  
جدوں میں پہلی دار اوہناں دا کلام پڑھیا سی - فیر ایہہ تعلق مزید سخت ہو ندا  
گیا - شاہ جی بڑے سچے تے کھرے آدمی نیں - جو کجھ اوہناں دے دل  
وچ ہو ندا اے ، اوہو ای اوہناں دی زبان تے آؤندا اے - جو  
کجھ اوہ ایس محفل وچ کہہ رہے نیں اوہو ای کجھ اگلی وچ کہن گئے -  
دل فریب اوہناں دی فطرت وچ نیں - ایس ”محرومی“ دا اوہناں  
نوں گھانا دی ہو ندا اے - پر اوہناں دی ایہہ عادت جانشیں سکدی  
کیوں جے ایہہ عادت نیں اوہناں دی فطرت اے - ایہو ای سادگی  
تے سچائی ، جدوں جذبے دی کٹھالی وچ دی ہو کے شعر دی کیاری  
وچ پینگ دی اے تے - ایہو جی شاعری طور وچ آؤندی اے -  
جدے بارے کیہا جاسکدا اے پئی دل وچوں نکلی تے دل وچ

جا بیٹھی، یا، ایہ تے میرے دل دی گل لے۔ مثلاً

نیں۔ ایسے لئی ادہناں دی شاعری نوں فٹ مقبولیت دی مل جاندی  
لے۔ جس طراں ادہناں دی شاعری رواں دواں لے۔ او سے طراں  
ای ادہناں دی کتاب ہتھو ہتھ ٹری جاندی لے۔

تیرا میرا جوڑ دی کیہہ سی  
پراس عشق دا توڑ دی کیہہ سی

لوکاں دا وی ہاسا بنیا  
انج روون دی لوڑ وی کیہہ سی

اساں تے دن گنوا کے اپنے ایہہ راتاں سن لٹیاں  
اکھاں دے دج تارے چکے نیندراں اڈ پڈ گئیاں  
پیار دی ایس اذیت اندر کجھ دی ہتھ نہ آیا  
دل دہنی باز نہ آیا اپنا، آساں آساں رہیاں  
اکھ دے کھوتے مجمع لگیا پانی بھر دیاں سیاں

پیراں دا جدوں ساتھ نہ دیوں پھٹ پھٹ روون چھالے وی  
سمجھو رستہ بھل آئے نیں رستہ دسن والے وی

توں کیہہ جانیں عشق دا رولا ایہہ تے پڑھ تو پھیڑا لے  
آیتھہ دریا بن جاندے نیں چھوٹے چھوٹے نالے وی

محبت دے موضوع نویں — بھانویں ادہرے دج وصل دا  
چانن ہووے تے بھاویں ہجر دے ہیزے، اوہ بڑے سلیقے  
نال، تے عام طور تے بول چال دے انداز دج شعر بند کر دے

غزل کمں والے شاعر عام طور تے نظم دل توجہ نہیں کر دے  
تے نظماں کمں والے غزل توں گریزاں امی رہندے نیں۔ بہت  
تھوڑے شاعر نیں جیہڑے دواں صنفاں دل توجہ کر دے نیں  
تے ادہ شاعر ہرور دی تھوڑے نیں، جیہڑے دواں اصناف  
دج ٹھیک ٹھاک طریقے نال رواں دواں تے مقبول نیں —



سعد اللہ شاہ دا شمار ایناں شاعراں وچ ہندا اے جیڑے غزل تے نظم دوہاں  
 نے عبور رکھدے نیں۔ تے دوہاں وچ اکو جیسی باکمال شاعری کر دے نیں۔  
 زیر نظر مجموعے وچ ادہناں دی ہر نظم، دل دا پلو پھڑکے بہر  
 رہندی اے۔ راز وی کوئی نیں ایتھے۔ فطرت دے رنگ -  
 ادہناں امی ساڈی دوری پائی۔ انجھام۔ انکار دی تلخی -  
 سوچاں - تے ہور کئی نظماں میرے خیال دی تصدیق کرن گیاں -  
 سعد اللہ شاہ دی شاعری وچ فکر دے دیوے وی جگدے  
 نظر اؤندے نیں۔ پر ایتھے دی ادہناں دا انداز ادہوی رہندا اے -  
 سلیس تے سببلا۔ چنانچہ ادہناں دے ایہو جیہے شعبہ احساس  
 نوں چیر دے جاندے نیں۔

اپنی گل تے اڑنا پیئے گا  
 اپنے نال وی لڑنا پیئے گا  
 اکھ دے اگے بتا لاکے  
 اپنی اک وچ سڑنا پیئے گا

عینا کوئی سوکھا تے نیں  
 بسم دے پیڑے تڑنا پیئے گا  
 نویں سرے توں اٹھن دے لئی  
 دانگ درختاں جھڑنا پیئے گا

اگے ودھو تے سیاسی تے معاشرتی موضوعات اؤندے نیں۔  
 ایتھے شاہ جی فکرتے احساس دی بھٹھی وچ بھجھدے اؤندے نیں  
 تے فیر ادہی کجھ ادہناں دے قلم دی نوک تے اؤندا اے جو کجھ ادہ  
 پوری سچائی تے دیانتداری نال محسوس کر دے نیں۔  
 ادہناں دی نظم ”ایٹم بم دا خوف“ دیکھو!  
 اساں پچھئے کیہ، اساں دیے کیہ  
 اساں روئے کیہ، اساں ہیے کیہ  
 اساں پنہی ٹھیک نشانیاں تے  
 اساں اڈیئے کیہ، اساں نیسے کیہ

آخر دج شاہجی دی اک نعتیہ نظم — کہ عشق نبی وی سعد اللہ شاہ  
تے رب دا خاص کرم اے ۔ ایس نظم دا ناں اے — اظہر ندیم ہولہاں دی  
اک نعت سن کے ۔

ساڈے بچے اکہنے رووندے نیں

اساں مریے کیہہ، اساں ویسے کیہہ

اک گل ہو رہی نہیں خاص طور تے مینوں متوجہ کیتا۔ کہ اوہناں نے

پنجابی شاعری اوس زبان دج کیتی اے۔ جیہڑی ہر کوئی بولدا اے تے ہر

کوئی سمجھدا اے۔ اچ کل بولی جان والی پنجابی شاعری دج اُردو دے

لفظ وی رچ بس گئے نیں۔ چنانچہ اوہناں نے اپنے قاری تے سامنے

نوں اوکھانیں ہون دتا۔ تے ایہہ اک قابل تعریف گل اے۔

تیرے نال کھلو نیئیں سکدا

حداں نوں میں چھو نیئیں سکدا

تیرا ناں ای لکھا ایتھے

اپنا دامن دھو نیئیں سکدا

حیرت دے دج بیٹھاواں میں

ہس نیئیں سکدا، رو نیئیں سکدا

طاری سی اک عالم اس تے۔ جدا اوہنے نعت سنائی  
دو جھیلاں دج اتر گئی سی اندر وی رشنائی  
اوہدیاں گلہاں اتے دگدے دیکھے سن دو اتھرو  
جیہڑی گل ادہ کہہ نہ سکیا۔ دو ہنواں دج آئی  
جتھے عشق نبی دا ہروے۔ دیندا آپ دہائی  
ادہ اتھرو تے دونهراں سن جنت اندروں دگیاں  
ایہہ میں رازدیاں سب گلاں جانے کنج خدائی  
دل کنہا سی اکھاں اوہنوں ایہہ دو اتھرو دے  
ایہدے بدلے لے لے میتھوں میری کل خدائی  
میری دعا اے کہ اوہناں دے دل دج نبی دے دیوے ہمیشہ جگے ہن۔

اسلم کولسری

اُردو سائنس بورڈ

## کچھ اپنے بارے وچ

پنجابی لہجیاں مینوں کئی ورہے ہو گئے سن۔ دوستان یا راتے  
 مداحوں نے کئی واراں ایس پاسے دھیان دوا یا پر کوئی گل نہ بنی۔ اندوں کوئی  
 اشارہ ای نیئں ملیا۔ خاص طور تے ابرار سحر تے آصف شفیع نے تے بہت ای  
 زور دتا پئی اپنی ماں بولی نوں چھڈناں نیئں چاہی دا۔ میں کیہہ کردا کوئی شعہ  
 ہوندا تے میں کہندا۔ ”مکھڑا“ توں بعد پئی جیہڑا میرے ٹی وی گیتاں دا  
 مجموعہ سی میں کوئی پنجابی غزل نظم نیئں کہہ سکیا۔ مسلسل اُردو شاعری  
 دل رحمان رہیا تے اُتے تھلے میرے چودہ شعری مجموعے آئے اس دے  
 نال نال ٹی۔ وی تے دوسری ادبی مصروفیات نے وی وقت نیئں دتا۔  
 ایس توں دکھ میں ”دن“ وچ کالم دی لہجے شروع کر دتے۔ کچھ ہور ادبی  
 پراجیکٹ وی زیر غور رہے بس انچ چل سو چل رہی۔

ہن کچھ دن پہلاں خزمینہ علم و ادب دے بانی جناب نذیر محمد صاحب  
 نے مینوں آکھیا پئی اوہ میرے پنجابی شعری مجموعے نویں سرے تو  
 چھاپنا چاہندے نیں۔ بھاویں ایس توں پہلاں ایہہ تن تن وار چھپ چکے  
 پر اوہ ذرا چنگے طریقے نال چھاپنا چاہندے نیں تے کلیات دی چھاپن دا ارا  
 رکھدے نیں۔ بس ایہہ آکے اک موقع میرے ہتھ آگیا پئی کلیات دج تازہ شا  
 دا وادھا کرنا ضروری سی۔ میں سوچیا پئی چند نظماں کہہ دوں پر مینوں کہہ پڑ  
 پئی اینیں عرصے دا کیا ہو یا ایہہ کم انج چل پیناں ایں۔ مینوں نیں پتہ پئی ایہہ  
 ہو یا پر تھوڑے عرصے دج ایہہ اک سو سٹھ صفیاں دی کتاب تہاڑے ہتھ دے  
 ایہہ دے پچھے کوئی شگفتہ لمحہ دی اے جیہڑا میری تخلیق دا سبب دی اے۔  
 محرک دی۔ اوہ لمحہ میرے تو دکھ دی رہنا چاہندا اے تے نال دی۔ میری سوچ  
 ادھرے غم و فراق موجود نیں جیہڑے تہاں توں شعراں دج نظر آں گے۔

سعد اللہ شاہ

نظمناں غمزالاں



کاش اساں اکائی تے آجائیے  
اساں بھیت حیاتی پا جائیے

اساں جینا ایں اساں مرنا ایں  
بھلا کس گل تو گھبرا جائیے

ایویں بے بس ہو کے بہنا کیہ  
اک کر بل نویں سجا جائیے

سانوں یاد کرے گا دیلا دی  
کوئی ایسی پہچان بنا جائے  
اساں جیندے جی نیں مر سکے  
اساں مر کے گل سمجھا جائے  
شاہ جی زور تے لگے گا فر  
اساں بیسٹری کنڈھے لا جائے

## اظرندیم ہوراں دی نعت سن کے

طاری سی اک عالم اس تے جداوہنے نعت سنائی  
دو جھیلاں وچ اتر گئی سی اندر دی روشنائی  
ادھیاں گلہاں اتے وگدے دیکھے سن دو اتھرو  
جیہڑی گل او کہہ نہ سکيا دو ہنجاں وچ آئی  
جتھے عشق نبی دا ہووے دیندا آپ دہائی

ادہ اتھرو تے دو نہراں سن جنت وچوں وگیاں  
ایہہ تے راز دیاں گلاں نیں جانیں کنج خدائی  
پلی کنڈا سی آکھاں اوہنوں ایہہ دو اتھرو دے دے  
ایہہ دے بدلے لے لے میتھوں میری کل کمائی



اپنی گل تے اڑنا پئے گا  
اپنے نال وی لڑنا پئے گا

اکھ دے اگے بنا لا کے  
اپنی اک وچ سڑنا پئے گا

جینا کوئی سوکھاتے نیں  
جسم دے پیجرے نڑنا پئے گا

کون حقیقت مئے ایتھے  
کوئی فسانہ گھڑنا پئے گا

نویں سرے توں اٹھن دے لئی  
وانگ درختاں جھڑنا پئے گا

شاہ جی ایڈا سوکھا وی نہیں  
وقت نوں بھج کے پھڑنا پئے گا

## محبت

ساڈی محبت ہور طرح دی تیری محبت ہور  
اپنی چپ وچ بیٹھ گئے اں کاہنوں پلئے شور  
لوکاں نوں کیہہ پکھیے جا کے اپنے من وچ پھور  
شاہ جی اپنی خواہش اُتے کس دا چلدا زور





## ایہہ کم وی تے ہو جاناں ایں

جیہڑے دکھ ونڈا دن آئے دے گئے نیں کچھ ہور  
اکھاں دے وچ جنگل نچے پیلاں پا دے مور  
چپ چپیتے تکی جائیے ویلے دی اساں ٹور  
شاہ جی انج ای ٹٹ جانی ایں اپنے ساہ دی ڈور

تیرے لئی تے گل ہوندی اے  
نیندر اکھاں وچ روندی اے  
یاد اے جیویں نیند سیلی  
بھر بھر خواہاں نوں ڈھونڈی اے  
پھر کے دتخ توں شہراں اندر  
خلقت خورے کد سوندی اے

دس نیئیں سکدا، اڈپینا واں  
جسم نوں جدی دا چھوندی اے

اکھ دا پانی مرن نہ دیویں  
ایتھے اوہ کرناں بوندی اے

شاہ جی اوہیو اکھ اے جیہڑی  
اپنا دامن دی دھوندی اے



تیتھوں ہٹ کے سوچ رہیا واں  
خود توں کٹ کے سوچ رہیا واں

پہلاں بدل بنیا ساں پر  
ہن میں چھٹ کے سوچ رہیا واں

سر دا مسئلہ آیا اے تے  
کیوں سر سٹ کے سوچ رہیا واں

دشمن وڈا لے تے کیہہ اے  
کیوں میں گھٹ کے سوچ رہیا واں  
شاہ جی ہو کر اں گا کیہہ میں  
اوس تو ہٹ کے سوچ رہیا لے  
کیوں جھلاں سبتی میں اپنا  
شاہ جی رٹ کے سوچ رہیا واں

## انکار دی تلخی

اساں بھج کے کتھے جاناں ایں اساں چارے پاسوں گھر گئے آں  
اساں اسماناں تے اڈناں سی اساں نظراں وچوں گر گئے آں  
ساڈے ہتھوں سب دا خون ہو یا سانوں آدام زاد نہ اکھو ہن  
اساں رب دے منکر ہو گئے آں اساں اپنے آپ توں پھر گئے آں  
ساڈے اندر آسے چلدے نہیں اساں اندرو اندریں چر گئے آں

○

کیسہ اسساں وٹوٹ چلیے  
چل خاں رستہ کٹ چلیے  
منزل والے رستے توں  
ماڑا جٹا ہٹ چلیے  
پہنچ گئے اں ایتھے تے  
ایسہ پتھر دی چٹ چلیے

## آساں آساں رہیاں

اساں تے دن گنوا کے اپنے ایسہ راتاں سن لٹیاں  
اکھاں دے دج تارے چمکے نینداں اڈ پھڈ گٹیاں  
پیاردی ایس اذیت اندر کجھ دی ہتھ نہیں آیا  
دل دی باز نہ آیا اپنا ، آساں آساں رہیاں  
اکھ دے کھوتے مجھ لگیا پانی بھر دیاں سیاں

کناں بوجھ اے سوچاں دا  
راہواں دے وچ سٹ چلیے  
شاہ جی قسمت دیکھیتے  
پکی تھناں وی پٹ چلیے  
شاہ جی اپنے حصے دے  
کچھ دانے تے چھٹ چلیے



اساں جھک کے کیویں سلام کریے  
اساں کدی نہ ایویں کلام کریے  
اساں خاص نوں خاص ای رہن دیے  
پئے ایویں نہ کسے نوں عام کریے  
ایناں خواہشاں سانوں برباد کیتا  
اساں سوچیا سی ذرا نام کریے

جو سوچیا سی ادہ ہو یا نہیں  
اساں کس دے ناں ایہہ جام کرے  
مری جان ایہہ کم آسان تے نہیں  
کوہیں راہواں وچ قیام کرے  
اج شاہ جی گل انجم کرے  
خود آپ نوں اپنا غلام کرے

## ایٹم بم دا خوف

اساں پچھئے کیہہ اساں دیسے کیہہ  
اساں روئے کیہہ اساں ہیسے کیہہ  
اساں پچھی ٹھیک نشانیاں تے  
اساں اڈیے کیہہ اساں نیسے کیہہ  
ساڈے بچے آئے روندے نہیں  
اساں مریے کیہہ اساں ویسے کیہہ

## رازوی کوئی تئیں ایتھے

○

دل بے دوستوں باہر ہو دے تے کیہہ کریے  
اکھ بے پتنوں پار ہو دے تے کیہہ کریے  
اپنے آپ نوں میں سمجھاواں کتھوں تیک  
بے کوئی آپو خوار ہو دے تے کیہہ کریے  
دشمن نال تے لڑ سکینں آں مر سکینں آں  
سامنے اپنا یار ہو دے تے کیہہ کریے

اساں پیدا ہوئے، اساں مر جاں گے  
اساں اپنو اپنی کر جاں گے  
اساں جنت دی اساں دوزخ دی  
اساں پیر کتے دی دھر جاں گے  
اساں خالی ہتھیں ٹر جاناں  
اساں تیری جھولی بھر جاں گے

گل تے ساری قسمت اُتے آئمکدی  
جوت ویج دی جے ہار ہوئے تے کیہہ کریے

باہر دے حملے ٹھل لئے نہیں ہس کے دی  
جے کوئی اندروں وار ہوئے تے کیہہ کریے

شاہ جی کلا رہنا ایناں سوکھانیئیں  
جے کوئی انج بیزار ہوئے تے کیہہ کریے

○

اساں اڈ دے رہے اساں دسدے رہے  
کوئی پھلاں راہیں ہسدے رہے  
ساڈے پیراں دے ویج چکے سن  
اساں چاروں پاسے دسدے رہے  
ساڈی جان پہچان سی اپنے نال  
اساں اپنے آپ نوں دسدے رہے  
کوئی گل سی جیہڑی یاد نیئیں  
لوکی پیچھدے رہے اسی دسدے رہے



کیہ توڑ اے تند ہواواں دا  
اساں پتھر وانگوں گھسے رہے

اک جال سی اُدییاں یاداں دا  
جتنے سوچ دے پنچھی پھسے رہے

اوہ بھوسا بھسپا پنچھی سی  
اساں ایویں نشے کسے رہے

## اوہناں امی ساڈی دوری پائی

اساں اک دوجے نوں جان نہ سکے آکے اینیں نیڑے  
دشمن ہوئی دنیا ساری دکھ اساں آپ سہیڑے  
کیہ اساں دوش کسے نوں دیے ایہہ قسمت دے گہڑے  
اوہناں امی ساڈی دوری پائی جیہڑے بیٹھے نیڑے



## انجم

کدی پیاردی شکل ابھارتے سہی  
ذرا اپنے رنگ کھلاتے سہی

بھاویں ڈب جائیے بھاویں تر جائیے  
سانوں جھیلاں وچ اُتارتے سہی

ایساں مٹی ہوون جوگے آں  
توں سانوں کدی پکارتے سہی

چھڈے چھڈے چھٹ جانڈے نیں  
سارے رشتے ٹٹ جانڈے نیں  
پلکاں اُتے چکّے والے  
مٹی دے وچ سٹ جانڈے نیں

ساڈے جوہر آپ اہی کھلن گے  
سانوں بھٹی وچوں گزارتے سہی  
اساں کجھ وی نیئیں، اساں کنڈے آں  
سانوں پھلاں سنگ سنوارتے سہی  
شاہ جی خوش رہنا تے سکھو  
چلو اوہدے قول قرارتے سہی



کوئی ساڈے کول کمال وی نیئیں  
کوئی پیسا ویسا مال وی نیئیں  
اسی ماضی لے کے بیٹھے آں  
کوئی ایڈا ساڈا حال وی نیئیں  
اساں کلم کھلے ہو گئے آں  
سانوں اپنا ذرا خیال وی نیئیں

اوہدے قبضے وچ اسال رہنے وال  
 جیہڑا لمحے لئی ساڈے نال وی نیئں  
 او تھے کیہہ کیئے او تھے کیہہ لہجے  
 جتھے کوئی ہجر وصال وی نیئں  
 اسال شاہ جی اوہنوں کیہہ پچھیے  
 ساڈے کول تے کوئی سوال وی نیئں

## عشق دا انجام

اپنی اپنی تنہاویں سچے سب قید و سب کھڑے  
 بیرومی اپنی تنہاں نیئں جھوٹی اوہنوں دھڑکیں ہیرے  
 رانجھا بھریاں اکھاں لے کے کھڑے پاسے جاوے  
 ایس سمندرے ڈب جانے نیں سب سدھرائیں سب ہیرے



## فطرت دے رنگ

پل پل مینوں چھوندے جاوَن ٹھنڈی وا دے بُلے  
میری بند اکھیاں دے اندر وال کسے دے کھلے  
لوں لوں دیندے جاوَن خوشیاں ایہہ موسم بے ملے  
کیوں نہ ایتھے چلے چلے راہی رستہ بھلے

من دھن تے اساں وار گئے  
دل ہتھوں پر ہار گئے

زندہ ساں اساں تعبیراں تے  
سانوں سُفنے مار گئے

جیہڑے ڈوبن آئے سن  
ادھیوں سانوں تار گئے

ساڈے ورگے امی سن ساڈے  
 جیہڑے دریا پار گئے  
 سوچو ساڈے دشمن جے  
 ساڈا روپ ای دھار گئے  
 شاہ جی چنگا ہویا جے  
 خالی ساڈے وار گئے



۱ / اوہنوں پانا یا نہ پانا کجھ وی نیئیں  
 اوہدا آنا یا نہ آنا کجھ وی نیئیں  
 ایہہ دنیا تے ہو راہی دنیا لگدی اے  
 ایتھے کسے دا کوئی ٹھکانا کجھ وی نیئیں  
 ۲ / سارے لوکی اجڑن دے لئی بیٹھے نیں  
 دسنا یا کوئی شہر دسنا کجھ وی نیئیں

پتھر دے ایہہ بت نہیں ساے اپناں لئی  
آندا جاندا کوئی زمانہ کجھ وی نیئیں

شاہ جی تساں وی او تھے جا کے ڈگے او  
جتھے تھا ڈا آنا جانا کجھ وی نیئیں

۵ شاہ جی چھڑو اپنی محنت کیسہ کرنی  
بجھاں آگے بین و جانا کجھ وی نیئیں

## توں اپنا حال سنا

اپنا حال تے دس خاں سانوں  
ساڈا حال توں چھڑ

اساں تے جھلے کجھ نیئیں پتے  
سانوں سمجھ اجڈ

ساڈی قسمت مسکا دریا  
دل دل دے دج گڈ

عقل اساڈی کم نیں کردی  
گھر گئے ساڈے ہڈ

اپنے آپ نوں دیکھ لے پہلاں  
انج نہ آنے ہڈ

## پاگل راتاں چھان

کماں کاراں دے دج رُجھے لوکی  
حال نہ اپنا جان

اپنے اپنے جھریاں دے دج بیٹھے  
لوکی خوشیاں مانن



دس پیندی اے تاریکی وی ادتھے  
جتھے ہووے چائن

لکھنا پڑھنا کم اولّا لگدا  
پاگل راتاں چھانن

ایہہ اسمان اوہناں دا ہوندا جیہڑے  
اس نوں سرتے تانن



تاریاں توں مہنا واں  
پانیاں چ ہہنا واں

ہور کیہہ سناواں میں  
بس اداس رہنا واں

غم دے ایس موسم وچ  
رج کے شعہ کہنا واں

رات دن جیاتی دے  
اپنے اُتے سہنا واں  
اپنے توں جدا ہو کے  
اپنے نال کھینا واں  
اپنے سنگ اُٹھنا واں  
اپنے کول بہنا واں



بھاویں لوکاں دے وچ دس  
دل دی دل نوں دی نہ دس  
کیہہ جاناں میں عشق کتھا  
کتھے جا کے ہونی بس  
کچھ دی تیرے دس وچ نیں  
بھاویں روتے بھاویں ہس

میں ڈرنا واں اکھاں توں  
ایسہ بدل دی جانا دس  
رُسوائی کوئی چنگی نیئیں  
پے جاندی پر ایہدی جھس  
شاہ جی جے نہ ہوندا اوہ  
سب کچھ ہو جاندا بے رس

دعا

میریا رہا  
ڈاڈھیا رہا  
ڈاڈھیا ایس توں  
تیرے سامنے اس بندے دا  
کیہہ چلے گا دس

ایہ محصور تری دنیا دج  
 کدھر جاوے نس  
 ٹرٹڑ پیریں چھالے پے گئے  
 ہو گئی اس دی بس  
 ربا! ایس وچارے نوں ہن  
 تونیوں رستہ دس

سنا فون  
 مارا  
 اکا

## انج ای سہی

تیرا میرا رشتہ کیسہ  
 کجھ دی نیئیں تے انج ای سہی  
 توں میرے میں تیرے لئی  
 کجھ دی نیئیں تے انج ای سہی  
 نیسناں دچوں نیسندر گئی

کچھ وی نیں تے انج ای سہی  
ساڈی گل اے ساڈے جہی  
کچھ وی نیں تے انج ای سہی  
انج ای سہی فر انج ای سہی  
بھگتاں گے اساں سرتے پئی  
تیرے نال ایہہ ساڈی رہی



جد کوئی سکا پتہ جھڑیا  
مینوں اکلا پے آپھڑیا  
کیہو جی ایہہ آزادی اے  
میں واں سوچ دے پھرے تڑیا  
کیویں ادہنیں کیلیا مینوں  
انگ انگ اوہدا منتر لڑیا

اکھاں خواہاں دے نال جڑیاں  
اگاں دے نال جتہ سڑیا

دل دانشیشہ کٹی جاوے  
کنھیں مندری ہیرا جڑیا

شاہ جی سانوں لے ڈلے او  
تہانوں کس توں پیر سی پھڑیا



اساں ٹنڈے رہے اساں جڑ دے رہے  
اساں بن کھیاں دی اڑ دے رہے

اساں خورے کنھوں ملنا سی  
ایویں سچے کھتے مڑ دے رہے

اساں پلٹے کھیسے سیندے کیہہ  
ساڈے ہتھیں پیسے نھڑ دے رہے

اساں سدھی نہر جیاتی وچ  
کویں پیٹھے سدھے رڑھدے رہے  
اوہ تگرے سن ، اوہ ہسدے رہے  
اساں ماڑے ساں ، اساں گڑھدے رہے  
اساں ددھ ساں نمٹھی اک اُتے  
اساں ہولی ہولی سٹرھدے رہے

## توں کیسہ جانیں

توں کیسہ جانیں  
جد کوئی لمحہ  
تیریاں یاداں دا بی لے کے ہولی ہولی  
میرے دل دی بنجر دھرتی اُتے  
بو جاندا لے

اندرو اندری، خورے مینوں کیہ ہو جاندا اے  
دل دی دھڑکن رُک جاندی اے  
ہر اک جذبہ کھو جاندا اے  
اکھاں وچ جگراتے جھئے اُگ پیندے نیں  
میں فیرا دس سمے وچ بیٹھا  
اندروں باہروں ہل جاناں داں  
چورا چورا ہو جاناں داں  
مٹی دے وچ ہل جاناں داں

## سوچاں

جس پاسے وی سوچاں ٹریاں  
واپس نیٹوں آیاں  
اوہنوں تارے گننے پے گئے  
جنھے آساں لائیاں  
ساری دنیا کمندی سی تے  
مل گئیاں رُسوائیاں



اوہدا لہو نہ لہے کوئی

جنھوں ماریا بھائیاں

اتھرو نہیں تے دو اکھاں نہیں

نہیں تے نے دو کھائیاں

بندیاں نال محبت ساڈی

ایہیو کل کمایاں

میں واں تیرا بستہ آخر

معاف کریں اوسایاں !



تیرے نال کھلو نیئیں سکدا

حداں نوں میں چھو نیئیں سکدا

تیرا ناں ایں لخبیا ایتھے

اپنا دامن دھو نیئیں سکدا

حیرت دے وچ بیٹھا واں میں

ہس نیئیں سکدا، رو نیئیں سکدا

جے جاگاں تے جاگ نیئیں سکدا  
جے سوواں تے سو نیئیں سکدا  
اوہیو کم ای پے گیا کرنا  
جیہڑا کدی دی ہو نیئیں سکدا  
شاہ جی جنہیں لفظ لکھے نہیں  
ادہ تے کدی دی مو نیئیں سکدا



تیرا میرا جوڑ دی کیہہ سی  
پر اس عشق دا توڑ دی کیہہ سی  
لوکاں دا دی ہاسا بنسیا  
انج روون دی لوڑ دی کیہہ سی  
ایہہ جادو سی حسن دا جادو  
اس جادو دا موڑ دی کیہہ سی

سارا لطف ای رہ گیا وچے  
 دندان تھلے روڑ دی کیہہ سی  
 ایہہ تے اوہدی رحمت ہوئی  
 ورنہ اوہدر تھوڑ دی کیہہ سی  
 شاہ جی کئی چٹاناں ڈگیار  
 خورے تھلے کھوڑ دی کیہہ سی

## ذات دا عرفان

اپنی ذات دے آل دوالے  
 کد دا گھننا پھرناں واں میں  
 کندھاں چننا پھرناں واں میں  
 ویکھ رہیا واں سجے کھتے  
 شاید اپنے اندر دا ہن  
 مینوں کوئی رستہ لبھے

## دس خاں ہن کیسہ لہجے

کنیاں گلاں کر بیٹھے آں  
کنیاں ہور کراں گے

اونیاں ہور ودھن گیاں گلاں  
جنسیاں ہور کراں گے

اکھاں نیں جے سکیاں زمیناں  
سنیاں ہور کراں گے

## مشکل

جو جی آئے کردا جا توں  
تیرے ہتھ وچ میرا لوں لوں  
پنچھی جال ج پھسدا جاوے  
پھڑ پھڑ مارے پر اوہ جوں جوں

## تن شعر

دیکھو درختاں تے وی گئے پئے  
دوروں جگمگ چمکن ٹھن پئے

ایہہ تے خورے ساڈیاں سدھراں نیں  
لوکی سمجھن طعنے سہنے پئے

بھرے ہوئے ساں اساں وی اکھاں وانگ  
سالوں فیر کجھ شعراں کھنے پئے

## آخری صورت

ہر پاسے ویرانی و سدی مرگیاں شہنائیاں  
جیہڑیاں ڈیاں دل دریا وچ سدھراں باہر نہ آیاں  
میرے سامنے آکے پنچیاں فیر ادھیوتنہائیاں

## اپنا نشہ لہین توں بعد

اگ بجھی نیئیں اندر والی  
ہنجر بن گئے ہاواں  
سارے اوہدا ہاسا دیکھیں  
کنھوں زخم دکھاواں

## اک شعر

دیکھ توں ساڈیاں گلّاں اندروی  
تیرے سُنیاں کجھ تے معنے پئے

منزل ساڈے سامنے ہے سی  
 سانوں روکیا راہواں  
 کجھ وی نیں سی اپنے دس دوج  
 سُنیاں رہ گئیاں بانہواں  
 نتھاں نتھاں دھکے پندیرے اوہنوں  
 جیہڑا ملدا تھاواں  
 رہا ہر در پھر آئے آں  
 سانوں ملن پناہواں

## ایہہ وی ضروری کم اے

دسو ایہہ وی کم اے کوئی  
 بہہ کے اوہنوں یاد کرو  
 دسو ایہہ وی کم اے کوئی  
 اپنا گھر برباد کرو

دستو ایہہ دی کم اے کوئی  
 دل اپنا ناشاد کرد  
 دستو ایہہ دی کم اے کوئی  
 درد نواں ایجاد کرد  
 پر جے انج دا کم نہ ہووے  
 مینوں کوئی غنیم نہ ہووے  
 میری اکھ دی غم نہ ہووے

## سہ تہن شعر

اوس سوال دیکھہ کریے  
 جہدا جواب نہ بنے کوئی

اوتھے ضرباں کیہہ دیے  
 جتھے حساب نہ بنے کوئی

یارو تساں دعا کرنا  
 تہانوں غذاب نہ بنے کوئی



## تین شہر

ایویں کڑھن دا فیدا کیہہ  
ایویں اپنے نال نہ لڑ

دنیا ایہو چاہندی اے  
پئی توں کلیاں بہہ کے سڑ

آپنے آپ تے کھل جاتوں  
جا کے لگ کسے دے لڑ

## مکالمے توں بعد

دریا وانگوں چلیاں میں  
سب کچھ بہہ گیا وچ

شوق سمندر بنیا جس دم  
سب کچھ رہ گیا وچ

## کون کرے ساڈی دلجوئی

ٹکے نہ اک سٹھاں تے خوشبوئی  
خورے کیوں ایہہ جھپٹی ہوئی  
ایہنوں وا نے دتی لوری  
چاندنی اس تے پائی لوئی  
ایہنوں آکے شبنم دھوتا  
ایہنوں ہتھ نہ لائے کوئی  
دوروں بیٹھا تکنا واں میں  
ساڈی کون کرے دلجوئی  
دل وی ڈبیا، اکھ وی روئی  
ایتھ گل کرے کیہہ کوئی

## تن شعر

یہہ گل کرے کوئی گل دی نیں  
ساڈی مشکلاں دا کوئی حل دی نیں  
اساں وقت گزار کے کیہہ کرے  
ساڈی اج وی نیں ساڈی گل دی نیں  
اساں صدی گزار کے بیٹھے آں  
ساڈے ہتھاں وچ اک پل دی نیں

## تیری گل وی جھوٹے نہیں

تینوں کیہڑی گل تے اکھاں  
سب کجھ دل نے کیتا

آپو زہر بنایا اس نے  
آپو گھٹ گھٹ پیتا

آپو ای پھٹ لایا اکھ نے  
آپو پھٹ پھٹ سیتا

کیویں روح دکھاواں تینوں  
سب کجھ فیتا فیتا

تیرا دوش نہ کوئی اس وچ  
ساڈے اندر چیتا

## آخری ملاقات

ذرا ہنھ کے رکھ توں بدلاں نوں  
سانوں کسے برسات دی لوڑ کوئی نہیں

اساں رات گزار کے بیٹھے آں  
سانوں ہور اک رات دی لہڑ کوئی نہیں

سانوں چھڑ دیویں بھاویں لے جاویں  
سانوں اپنی ذات دی لوڑ کوئی نیئیں

اساں چن نوں اکھ وچ لے چلے  
سانوں کسے سوغات دی لوڑ کوئی نیئیں

کدی بہہ کے سانوں توں سوچیا کر  
سانوں کسی برات دی لوڑ کوئی نیئیں

## میرے سامنے میرا خواب آیا

میرے سامنے آ بیٹھا جد میرا اپنا خواب  
میری ذات دے اندر کھلیا حسرت واکل باب

اوہدے خدو خال سن انج دے جویں سُرخ گلاب  
واہ رہتا کیہہ حسن بنایا نہ کوئی حد حساب

جیویں اک سوال نوں لبھّا شیشے وچ جواب  
اندروں کوئی دسے مینوں ایہہ ہے سب سرب  
میرے وہم دی عادت نے فرکیتی خوشی خراب  
فیرومی بیٹھا لکھا جاوے خواہاں بھری کتاب  
کنھوں جا کے دساں ہن میں اپنا درد عذاب  
اکھاں وچوں ڈلندی جاوے شاہ جی حسن شراب



پیراں دا جددوں سا تھ نہ دیوں پھٹ پھٹ روون چھالے دی  
سمجھو رستہ بھل آئے نیں رستہ دسّ والے دی  
ساڈی اس آزادی نوں کوئی نیرے ہو کے دیکھے تے  
سانوں مکر دی کردیندے نیں ساڈے گھر دے جالے دی  
ساڈے خوف نے سانوں باہروں کنیں تالے لائے نیں  
ساڈے کولوں تے کھلے نہیں اجے اندر والے تالے دی  
توں کہیہ جانیں عشق دار ولا ایہہ تے ہرھ توں بھیڑاے  
ایتھے دریا بن جانداے نیں چھوٹے چھوٹے نالے دی

اکھاں ور گے زخم اساڈے لہو دے اندر نہ کھجے نہیں  
ساڈے لئی سب سوچے ہو گئے گورے وی تے کالے وی

لگدا اے پئی سارا گھرای میرے اُتے اڈ گنساں  
میرے اندر تر دک رہے نہیں میری چھت دے بالے وی

اپنی انا داسیشہ بھاویں کتّاں چور وچور ہو یا  
اک اک ٹکڑے دے اندر اے اپنی شکل تے حالے وی

## تین شعر

جدوں جھلکیا پیارا وہناں اکھاں وچ  
اساں کلتے ہو گئے لکھاں وچ

اساں کیہہ دیسے ساڈی قیمت کیہہ  
اساں جُتل گئے اں جد لکھاں وچ

اڈدا سی اوہ نشیاں دے وچ  
اساں دیکھیا اوہنوں دکھاں وچ

## زین شعر

کوئیں اپنے دل دھیان کریے  
ترے درد نوں کوئیں بیان کریے

ترے نال امی اک مک ہو گئے آں  
اساں کسے دی کہہ پچھان کریے

اساں اپنا وقت لنگھا دتا  
کیوں پیدا نواں ارمان کریے

## اپنی موج

اساں آساں ادھریاں لائیاں نہیں جہد او خدا کدی نشاں دی نیئیں  
ساڈا دل کھنڈا اوہ نہیں مل جانا جہد اعتقل نوں و ہم گماں دی نیئیں  
اساں کتھوں لبھدے پھر نئے آں ساناں کسے دی کوئی پچھان دی نیئیں  
اساں انج جہان نوں دیکھنے آں جوئیں ساڈے بنا جہاں دی نیئیں



تیرا سانوں دھیان تے رہے گا  
بندے وچ انسان تے رہے گا

جتنے مرضی زندہ رہیں توں  
ملن دا اک امکان تے رہے گا

تیرے باہجوں وی چنگا لے  
دل جنگل سنسان تے رہے گا

اک شعر

سانوں راہ توں روکن والیوہن  
اساں راہواں وچوں ہٹ گئے اں



نیری صورت سامنے رہے گی  
تیرا شاہ حیران تے رہے گا  
اس توں وڈی دولت کبہہ اے  
دل وچ اک ارمان تے رہے گا



اساں راہواں دپچوں ننگے نیں  
اساں درد کھجوریں ننگے نیں

چلو چھٹو گلّاں باتاں نوں  
اساں بھیڑے آں اساں چنگے نیں

اساں تہاڑے دانگوں سوچیاں نیں  
اساں خواب رکے توں منگے نیں

اساں کھل کے اوہنوں چاہیلاے  
اساں دل دی گل تے سنگے نیں

ساڈا اپنا رنگ سی شعراں دا  
اساں کسے دے رنگ چ رنگے نیں

## آخر کار

خوشیاں دے سب لمحے جیویں پھلاں وانگر ہوندے نیں  
غم دے سب پرسانوں کیویں کنڈیاں وانگر چھوندے نیں  
دکھ ہووے یا سکھ ہووے اوہ دونہاں نے نیں رہ جاناں  
پھلاں وانگر ہسن والے کنڈیاں وانگر روندے نیں

## انج وی ہو سکداے

چھڈو شاہ جی لوکاں نوں، تساں کاہنوں آڈا لایا  
جد کوئی بندہ ٹردا اے تے ٹرپیندا اے سیایا  
تھاڈے آل دوالے سب کچھ تھاڈے لئی ہے بنیا  
سب کچھ اپنا کر لیتے تے رہندا کون پرایا

## منزل توں دوری دا احساس

کیسہ جاناں میں ٹریا جاواں خورے کیہڑے پاسے  
پتچھے، پتچھے ٹردے آدن کچھ انجانے پاسے  
کدھروں آیا کدھر جاناں اس راہی نے شہ جی  
پچھوتے سہی ایہدے کول نیں کیہڑے اس دلا سے

ہن کوئی گل تے ہووے

سادا نظام

اپنے آپ تو نکل کے ہن کچھ دنیا دی دیکھو  
سائے مانن والیو لو کو دھپیاں دنی تے سیکو  
ساڈے کول دی بیٹھو آکے گل سناؤ کوئی  
اپنا آپ دکھاؤ سانوں لاچھڑو ہن لوئی

روٹیاں لاون والے شاہ جی چھنڈ چھنڈ روٹیاں لاندے رہے  
کھادن والے ہولی ہولی ونڈ ونڈ روٹیاں کھاندے رہے

## اوکھے عشق دے پینڈے

اوکھے رستے دی آنے میں کنڈیاں نیس وی اڑناں ایس  
ٹھوٹیاں نے وی ڈنگنا ایس تے سپاں نیس وی لڑناں ایس  
اُس منزل تک کون اپڑے گا جس دی حسرت دل وچ رہی  
جس دے پینڈے بین توں پہلاں اپنی اک وچ سڑنا ایس

## ساڈا دکھ

ساڈے ہنھ وچ جتیں دے سن  
سارے کھلونے کھنڈ دے سن  
اوہناں کول دی ایہو کجھ سی  
جیہڑے محبتاں ونڈ دے سن

## اوہنوں دوش کیسہ دینا

○

نیئں ملنا تے نہ ملنا کراساں وی ایویں ہلدے نے نیئں  
خوشبو دیندے نیں واواں نوں پھل کدی ایویں کھلدے نیئں

بدل لے کے بیٹھے آں پر ساتھوں درہن وی نیئں ہوندا  
گھسنے پتھر ہو جاوَن تے چھیتی کترے ہلدے نیئں

میرے حال تے ہسیں نہ توں، ویکھیں ذرا دھیان کریں  
ہاسیاں ہتھوں لگن والے زخم کدی وی سہلے نیئں

توں کیسہ جانیں ہولی ہولی کیویں خواب اسارے گئے  
توں کیسہ جانیں اکھاں اندرتارے کنج اتارے گئے  
توں کیسہ جانیں منظر منظر دھوکے کنج نکھارے گئے  
جم گئی مٹی اکھاں اُتے پر اوہے رنگ تارے گئے  
یعنی جتیں کم سی سارے آخر کار سنوارے گئے  
پر جدوں اوہ ساڈے سامنے آیا ساتھوں گل امی نیئں ہوڈ  
اوہنوں دوش کیسہ دیون جیہڑے اپنے ہتھوں مارے گئے

اساں واں کوڑے اک ورگ تے، توں ای مٹھا ہو جا کجھ  
 توں جے ایناں چنگا ایں تے بھڑے اساں دے نیں  
 اپنے آپ تے قابو رکھ توں آخر سب کجھ بھل جاناں  
 جے آرام ضرورت ہووے زخم نوں ایویں پھلدے نیں  
 چلن والے وچ طوفاناں اپڑ جانداں منزل تے  
 کنڈیاں اتے ڈوب جانداں جیہڑے کشتیاں بھلدے نیں

## مرضی اپنوں اپنی

کناں چر اساں سوچدے رہے  
 کوئی ملے تے گل کریے  
 دل نوں اپنے دل کریے  
 ملے دا کوئی حل کریے  
 آخر ویلا آیا اوہ  
 کناں چر اسی ملدے رہے

پُچھل خوشی دے کھلے رہے  
 زخم اساڈے سلدے رہے  
 لیکن اوہڑ ہویا فر  
 جتھوں دل مراڈر دا سی  
 کھلیا راز ایہ میرے تے  
 گل وچ گل کدی نیں بندی  
 اوہدی مرضی دکھری اے  
 تیری ہے تیرے من دی

## سعد سماں

جدوں بدلاں وچوں چن دنیا  
 جدوں چاندی چکی اکھاں وچ  
 جدوں دل نے اوہاناں لھیا

جدوں اُس توں اوہنوں منگیا میں  
 جدوں اوہنے میرے دل تکیا  
 جدوں اپنے آپ توں سنگیا میں



جدوں نیناں وچوں ہسیا اوہ  
جدوں اگاں لگیاں سینے وچ  
جدوں میرے من وچ دسیا اوہ

جدوں کھلیا پھل گلاباں دا  
جدوں مہکیا اندر باہر مرا  
جدوں دیکھیا رخ میں خواباں دا

## اساں سوچیا کیہ تے ہو یا کیہ

اساں سوچیا سی اوہ کجھ وی نیں  
اساں جو چاہواں گے ہو جائے گا  
اساں جاگاں گے او جاگے گا  
اساں سوواں گے اوہ سو جائے گا  
سانوں کدی خیال وی نیں آیا  
کوئی ساتھوں دکھ کھلو جائے گا  
کوئی بدل بن کے پتھر نوں  
کدی شیشے وانگر دھو جائے گا

آئیڈیل بلیک لائبریری  
کلی مشہور ہوئی لڑو گیند گھر کمالیہ  
پروڈکٹس سیم احمد اینڈ برادرز

بہارے بہارے

پاگل پن دا دورا پسند اے جدیمنوں

جی کردا اے

اپنے آپ نو ماراں

اوہنوں گاہلاں کڈھاں

جدیاں گلّاں دو دھاری تلواراں

بے مقصد کوشش

تھاڈی گرمی سردی اپنی تھیاں ایہہ تپیراویں توڑکدے نیں  
تساں زخمی ہو کے پھر دے رہو لوکیاویں مکے جی چھڑکدے نیں  
چلو چھٹو شاہ جی گلاں نوں بیٹھے اویں پانی رڑکدے نیں

جی کر دے اے اوہنوں اکا ای بھل جاواں  
اپنے دل نوں اپنی مرضی اگے ہاراں  
کیویں دساں لوکاں نوں میں  
کیویں اوہنیں کلا کیتا مینوں وچ ہزاراں  
پر فر سوچناں، اوہدا دوش دی کیہہ اے  
پھلاں نیں تے کھڑناں ہوندا وچ بہاراں

## میں تے تیرے لئی آں

دیکھیں میری قدر کریں توں میں تیرا لشکارا  
میریاں اکھاں دے وچ جن لے تیرے متھے تارا  
اکھاں بھر بھر پی لے پانی چاہت دے اس گھوتے  
جو وی ہاں میں تیرے لئی ہاں مٹھا ہاں یا کھارا  
چاہت وچ تے پی جانداں میں لوں سمندر سارا

ف

جب دی پانی نثرناں ایں  
سب کچھ تھلے بہہ جاناں ایں  
ٹیوڑ مٹی ہو جاناں ایں  
ایتھے کنھیں رہ جاناں ایں

ج

تیرا نشہ دی لہہ جاناں ایں  
اساں دی سب کچھ کہہ جاناں ایں  
تیرے یاد دے سرتے دیکھیں  
تیرا دکھ اسی سہہ جاناں ایں  
پچھے فرکیسہ رہ جاناں ایں

## آخر کیوں

مینوں انج کیوں لگدا اے  
 جیویں بس کوئی میرے لئی اے  
 مینوں انج کیوں لگدا اے  
 میری خواہش ادہدے جیویں اے  
 کجھ وی نیں تے آخر کیوں فر  
 میری نیندر دی اڈ گئی اے  
 مینوں کیوں فر رات دنے ایہ  
 اک پرانی سیکنی پیٹی اے  
 آخر کیوں

شاید سب کجھ ادہدے لئی اے

## محبت تے خواب

بچیاں ورگیاں میریاں گلاں  
 ادہنوں پچھ پچھ خواب میں دیکھاں  
 ادہدے لئی میں وقت نوں ٹھلاں  
 ادہدے لئی میں مردا جاداں  
 پر میں ایساں کیویں چلاں  
 جتھے دھپ نہ پوری ہوئے  
 کوٹھے کدی نیں چڑھدیاں داں

اوپر سے بعدوں سوچناواں میں  
 جا کے کسراں راہواں ملاں  
 بچیاں درگیاں میریاں گلّاں  
 اپنا سب تو وی بھلیا مینوں  
 بیٹھا ایویں ورقے تھلاں



اساں کریے کیہہ اس روون دا  
 سانوں ڈاڈھا دکھ اے ہوون دا  
 ساڈی اکھّاں تھلے جھولی سی  
 سانوں آیا نہ ول دھوون دا  
 رڑکن کنڈے اکھّاں وچ  
 موسم ہے غم بوون دا

شاہ جی ایہہ وی کر دیکھو  
لطف ہے ادھنوں کھودن دا

شاہ جی! بارش خواہاں دی  
ایہہ ویلا ہے سوون دا

## دوشعر

شمع دانگر نہ روندے تے چنگا سی  
اسی وی پتھر دل ہوندے تے چنگا سی

خواہاں دج وی منظر جاگدے پھر دے نیں  
کیوں کہیے جے سوندے تے چنگا سی

## دو شعر

انج نہ اکھنچ نیں سکدا دل نیں سکدا  
میں تے ایہناں لوکاں دے سنگ چل نیں سکدا

اپنی جرطہ نال جڑیا ہو یا پوداواں میں  
جھٹھوں کٹ کے کدی دی کوئی پھل نیں سکدا

## اگ تے پانی

پانی پانی ہو گیا سب کجھ  
ہتھ کسے کیسہ آنا سی

دونواں اُتے بجستی ڈگی  
برفیں پھیل اسی جانا سی





عشق دی آگ وچ پھک کے دیکھ  
ادب دے غم وچ مک کے دیکھ

وٹے مار نہ بیری تے  
تھلّوں کنڈے چک کے دیکھ

چلدے چلدے انج نہ تک  
منظر نوں ذرا رُک کے دیکھ

## ملاقات

بجلی شکی منظر و نیا  
اکھ نے ہنخو ہنخو دل تے  
ہولی ہولی ناں ترا لیا

پورا چن جے دیکھنا ایں  
بدلاں اندر لہک کے دیکھ

پیراں وچ دی خلعت اے  
تھوڑا جتناں جھک کے دیکھ

## آخرتے ایہہ ہونا ایں

سردیاں دی اس دُھپ دے اندر  
کتنی دیر یں بیٹھا رہاں گا  
آخر شم تے ہو جانی ایں  
ہولی ہولی دُنیا ساری  
تھاؤں ستھائیں سو جانی ایں

## سادّی وی سنو

لوکاں دے سنگ رہناں جے تے  
لوکاں نوں خوش رکھنا پیندا  
تہانوں تے بس اپنی پٹی اے  
دسدانیئیں کیوں چڑھدا لہندا  
شاہ جی رک کے سن تے لو کجھ  
ہر کوئی تہانوں پھٹ پھٹ کھندا

## مشورہ

چھڈ دے آہر ادھنوں ملنے دا ہُن  
نیئیں تے شدّت ہوو ودھے گی  
دُھپ دے اندر جاویں گاتے  
دُھپ دی حدّت ہوو ودھے گی

## اوے بارے وچ اک عجیب سوچ

جیویں اک مکئی دا دانہ  
بھٹی دے وچ پُجھدا اے تے  
پھٹ کے کھل بن جاندا اے  
اوہنوں دیکھو تے ہر منظر  
اکھاں اندر ٹٹا ٹٹا  
جڑ کے دل بن جاندا اے

## سپینا تے فرینا

سپینا دیکھنا سوکھا اے  
پر جد ایہہ ٹٹ جاوے تے  
کٹھا کرنا اوکھا اے

## پیغام

ادھنوں آخ دیوں توں جا کے  
اساں اینیں ستے نیئں ہوئے  
اساں منزل اپنی تھال اُتے  
اساں کدی رستے نیئں ہوئے

میرا حال نہ پچھو لو کو میرا حال نہ کوئی  
شیشہ ادھیو شیشہ ہوندا جس وچ وال نہ کوئی  
جو کجھ وی میں کھٹیا دٹیا ایس جہانے لگیا  
اگلے سفر تے کیہ نکلاں میں کھیسے مال نہ کوئی  
لازم تے ملزوم ہے سب کجھ ایہو سمجھے آیا  
حسن تقابوں باہر آوے تے جھلے جہال نہ کوئی  
میرے سامنے دو شمشیراں باہر نیاموں آیاں  
اکھاں دے وچ چمک اوہناں دی ہتھ وچ ڈھال نہ کوئی

اپنے آپ تے مان نہ کرنا ٹ جاندا ہے آخر  
عشق شکنجہ پے جاوے تے چل دی چال نہ کوئی

اوس جہان دی خاطر سانوں اک لمحہ نہ بھیا  
جس دانت حساب نہ کوئی صدیاں سال نہ کوئی

شاہ جی جد تک دیکھو تے سارے رنگ نیں اپنے  
جے دیکھو تے نیلا، پیلا، کالا، لال نہ کوئی

## تین شعر

تینوں میری اذیت دا اندازہ کیوں ہو سکدا اسی  
میرے بندی خانے تے دروازہ کیوں ہو سکدا اسی

توں تے اک تخیل ایں جیہڑی متھے اُتے چکی اے  
میری چاہت دے چہرے تے غانہ کیوں ہو سکدا اسی

تہانوں کتیں اکھیاں اسی پئی اوہنوں بہہ کے یاد کرد  
چاہندے نہ تھے زخم اسدا آمازہ کیوں ہو سکدا اسی

بادل  
چاند  
ہوا  
نہیں  
تمہی  
ملنے تو  
اچھا  
تھا

اگرچہ سوسائے میں بڑے دلکش چہرے تھے  
مجھے ہزل میں لکیریں سنسد پار جانا تھا  
بروزوں کی محبت میں شائیں بھول اٹھاتی ہیں  
بیکے بیکے رہتے ہیں بادل چاند بڑا دیریں  
ہم دونوں آغا زب پھنپھنے  
یکساں خجما ہوا ہے

جہاں پھولوں کو کھلنا تھا دین کھلنے تو اچھا تھا  
تمہی کو ہم نے چاہا تھا تمہی ملنے تو اچھا تھا  
تم نے کیسا یہ رابطہ رکھا  
دے ہو نہ فاصلہ لکھا  
کتنا نازک ہے وہ پری پری کہ  
جس کا مجھ سے اتنا مل جائے

اُداس  
موسم  
کے  
رتھکے  
ہمیں  
اقرار  
کرنا  
تھا

بجز رنڈ میں ہوں نہ میں بجز رنڈ میں ہوں  
میں تو کسی کی یاد کے شکل عمل میں ہوں  
اُس نے پوچھا جناب کیسے ہو  
اس غم کی حساب کیسے ہو  
لو لے تو لفظ باعث الزام ہو گئے  
ہم چپ رہے تو اور بھی دنیا ہو گئے  
جو جھکتا ہے وہی راہ بنا جاتا ہے  
دور دستی میں کہاں سیدھا چلا جاتا ہے  
اتنا کھوں گا ترے بعد تے بارے میں  
آنے والوں نے تجھے پہلے ہی دیکھا ہوگا  
تجھ سے ملنا بھی بہت کام ہوا کرتا تھا  
لہذا ہوتی تھیں ترے ساتھ ضروری باتیں

مجھے  
کچھ اور  
کہنا تھا  
ادھوری  
رات  
کا  
نغمہ

مجھ سا کوئی جہاں میں نادان بھی نہ ہو  
کو کے جو عشق کہتا ہے نقصان بھی نہ ہو  
مخرد میوں کا اور بھی احساس یوں ہوا  
چاہا تھا جو بھی تیرے سوا مجھ کو مل گیا  
کہنے کو اک الف تھا مگر اب لکھا کردہ  
پہلا مکالمہ تھا مرا زندگی کے ساتھ  
اپنی اپنی انا کو بھلایا جاسکتا تھا  
شاید سارا شہر بچایا جاسکتا تھا  
شہرت کے ساتھ ساتھ بڑھاپے بہ نظر آتا  
گنہگار وہ شخص ہمیں بانت نہیں  
ادب کی بات ہے طاقت ہے حل نہیں ہوگی  
یہاں تو سر کی ضرورت ہے ہماری کھیلے

اک  
کمی سی  
گشتی  
تشنگی  
باقی  
رہے  
گئے

وہ مجھ کو چھوڑ گیا تو مجھے لپٹیں آیا  
کوئی بھی شخص ضروری نہیں کسی کے لیے  
دل بھی کمی شے ہے دیکھو چرخا کی کمانالی  
گرجا اس میں ڈالے میں نے انھیں بھر بھر زب  
تو کبھی جوڑنے بیٹھے مجھے حزن عرف دیکھے  
تری آنکھیں بھگ جائیں تو کتاب بھول جائے  
جب تک اک تشنگی باقی رہے گی  
تیرے اندر دیکھتی باقی رہے گی  
اُس کو خوشبو کی طرح ساتھ بھی رکھوں اپنے  
اور پھر اس کو زمانے سے چھپانا چاہوں  
جو شخص بھی ملتا ہے مجھ کو پرایا ہے  
اک خواب سے نکلا ہے اک خواب میں آیا ہے

وہ چلا گیا مجھے چھوڑ کر مگر اپنی یاد بھی دے گیا  
میں کھڑا ہوں کیسے تمام پر نفاق ہے نہ وصال ہے

تو نے یونی محسوس کیا ہے روزِ دل میں کچھ بھی تھا  
بس اک تیری چاہت تھی اور وہ بھی غیر شعوری تھی

کوئی  
شام  
شہرِ خراب  
سایہ

کوئی بتائے اُسے کس کے درِ برد لائیں  
یہ آئینہ بھی تو اُلی مثال بولتا ہے

ڈھیر غلے کا اگر ہے تو نہیں اُس کے لیے  
چونچ میں چڑیا کے آتے ہیں فقط دانے دو

کوئی  
رسم  
بھی نہ  
نبھاسکا

یونی نہیں ہیں یہ ایذا پسندیاں اپنی  
ہم اس کے غم سے خوشی بھی کٹہ کرتے ہیں

تم محبت کو تجارت کی طرح لیتے تھے  
یوں نہ ہوتا تو تمہیں اس میں خسار ہوتا

نہیں  
کچھ  
بھول  
سکتے  
ہم

میں اختیار کے لمحے بھی غمضے میں ہوں  
کہ مارنا بھی ہے دشمن کو اور پہچانا بھی

لب پر ہے اندر سے سداور ہے دل میں پتا بھی  
اُس کی آنکھوں میں دیکھو تو صوب بھی ہے اور بارش بھی

بلندی پر پہنچنے کی مرے اندر جو خواہش تھی  
اسی خواہش نے پھر مجھ کو بلندی سے اتارا تھا

آئینہ تھا اس لیے رہتا کہاں  
میں تو ہوں ردِ عمل میں ٹوٹ کر کبھرا ہوا  
کون جوڑے گا مجھے  
کون دیکھے گا مرے اندر تجھے

رنگ اٹھا کر مجھ کو ایسے کیوں نہ ڈھونڈتا ہے  
آئینہ تو ٹوٹنے کو اک ہساز ڈھونڈتا ہے

چلو اک  
لفظ  
لکھتے  
ہیں